

"ARUBAANSE COURANT"
diariamente en excepcion di
diadomingo.
Subscription f. 3.25 pa luna.
edicion los 20 ct.
edita pa:
N.V. Arubaanse Drukkerij- en
Uitgevers- en Publiciteits Mij.
Nassaustraat 85 O'Stad Aruba N.A.
Imprimi na:
N.V. Drukkerij "De Stad"
Theaterstraat 11, Willemstad Curacao
Telefoon 1116 Directiva y redaccion.
2116 Anuncio y subscription.
Directeur hoofdredacteur: D. Wolff.

ARUBAANSE COURANT



Diario pa



Aruba



NOW!!
FOR
COOLNESS
AIRCONDITIONING
Tel. 2170
ELMAR

Anja 23

DIAMARS 19 DI MAART 1963

No. 4593

CONFERENCIA DI KENNEDY CU PRESIDENTENAN LATINO

WASHINGTON, 19 maart — President Kennedy a tene na San Jose, Costa Rica, un conferencia cumbre cu presidentenan di paisnan di Centro America y Panama. Nan a papia entre otro tocante e manera pa evita plamamentu di arma propaganda cu yudanza financiero, y entrada di agenteran secreto for di Cuba den paisnan latino, mas mihor.

President Kennedy lo wordo acompaña na San Jose pa su minister di exterior, Dean Rusk.

Siman pasa mes Merca a expresa su preocupacion tocante penetracion di comunismo na America Latina.

Un otro punto di conferencia lo ta e programa di yudanza pa America Latina, cu te ainda no ta transcuri completamente manera ta wordo desea.

Tambe nan lo papia tocante Mer-

cado Comun di Centro America. E presidenti di e organizacion di Estadonan Mericano, Gonzalo Facio, a bisa cu e conferencia na San Jose probablemente lo recomendar cu sancionnan, entre otro pa quibria relacionnan comercial y diplomatico cu Cuba.

Facio a bisa cu e no ta quere cu nan lo recomendar pa usa violencia. Facio ta embahador di Costa Rica na Merca.

MIEMBRO DI PARTIDO COMUNISTA HULANDES DETENE

FINSTERWOLDE, 19 maart — Despues di cuater arrestacion siman pasa nan a aresta ayera mainta, en conexion cu e mesun caso un miembro di Eerste Kamer HulanDES, di e fraccion di partido comunista, (un tal Harin Haben). Nan no a duna mas detaye.

E cuater personanan cu nan a detene siman pasa, ta wordo acusa di fraude den firma. Ta trata di un delito comun.

E cuater detencionnan ta, e miembro di raad di partido comunista na Finsterwold, un hoofdcommies, un otro comunista miembro di raad y un empleado social.

ACTIVISTANAN FRANCES PA ARGENTINA

Tres activista Frances, Jean Claude Perez, Jean Casals y Pierre Sanchez, cu nan a manda siman pasa Venezuela, pero quendenan a wordo mandad Madrid back pasobra nan papelnan no tabata correcto, a sali awe cu avion pa Buenos Aires. Asina e agencia Ingles di noticia, Reuters, a anuncia.

SITUACION FINANCIERA DI BRASIL

BRASIL, 19 maart — President Joao Goulart di Brasil a declara den parlamento, cu den luna di december so e forsa di compra di cruzeiro a baha cu ocho por ciento. Medidanan pa mehoracion di financia di Brasil por tin resultado solamente si henter poblacion coopera, asina el a bisa.

E president a ordena pa ademas di expansion di comercio cu Merca, Europa y Japon tambe busca mercaderian nobo.
Entre otro e president a menciona paisnan comunista, Brazil, cu a pidi Merca pa yudanza economica na gran escala, ta masha mal contentu cu e expresion, cu anteriormente nan a bisa ta di e embahador Mericano na Brazil, Lincoln Gordon, pero cu despues a wordo adonta pa departamentu di Estado, den cual nan ta bisa cu comunismo a aumenta fuertemente na Brazil y cu gobiernu tambe tin un infiltracion comunista. Entre otro nan a bisa cu par e Brazil tin 100.000 estudiante comunista.

E lider di e federacion nacional di estudiantenan na Brazil, Brandt a declara, cu e lucha cu e 100.000 estudiantenan ta baha contra e atraso economico y contra imperialismo, no ta comunismo. El a bisa cu e Mericanonan ta masha naief pa tur caminda nan mira comunismo.

E PRESUNAN MERICANO NA CUBA

MIAMI, 19 maart — E abogado Mericano, James Donovan a regresa Miami for di Cuba. Huntu cu ne tabatin dos muhe cu tabata presu na Cuba for di anja 1960 acusa di actividad contrarevolucionario.

El a bisa cu ta spera cu den e proximo seis simannan binti o'tro Mericano cu ta presu na Cuba lo wordo liberta.

E ta quere cu ainda tin 35 Mericano presu na Cuba, pero cu gobierno na Havana no ta considera nan como Mericano.

Durante su bishita na Cuba, Donovan a bishita 17 presu Mericano na e isla Pinos y cuater na e fortaleza La Cabaña na Havana. E ta hancha cu nan situacion a mehora despues cu na december nan a ricibi comida y remedi.

SITUACION DI BIDAULT

MUENCHEN, 19 maart. — E ex-premier Frances, Georges Bidault, lider di e conscho di resistencia na Francia, quende a hancha e conscho serca e ministerio di exterior na Bavaria pa e bandona e pueblo Steinbach, unda e ta actualmente, lo no tuma e conscho ey.

El a contesta e ministerio cu e ta prefera di queda den e cas unda e ta actualmente, te ora cu e hancha contesta riba su pregunta cu el a haci na e ministerio di exterior, cua ta e actividadnan politica cu e tin mag di eherce na un estadia permanente na haviaria.

QUEHO DI INDIA

NIEUW DELHI, 19 maart. — Gobierno di India a acusa Pakistan di a viola un resolucio di conscho di seguridad di Nacionnan Uni door di su acuerdo frontier cu China. Asina ta para den un carta cu gobierno di India a entrega awe na presidenti di e conscho di seguridad. Tambe India ta acusa Pakistan di a entrega soberania riba territorio di India na China.

REUNION DI COMISION EUROPA NA HULANDA

DEN HAAG, 19 maart. — Un comision di parlamento Europeo, cu ta trata e relacionnan entre e comunidad economico Europeo y e paisnan menos desarolla, cu ta asocia na e comunidad, lo reuni majan y o'tro majan na Den Haag.

E miembronan di e comision lo haci uso di e oportunidad pa delibera cu miembronan di parlamento HulanDES tocante firmamento di un convencion nobo pa asociacion, cual a wordo atrasa door di objecionnan Italiano y HulanDES.

Argelia ta jama embahador for di Paris

ARGEL, 19 maart — E gobierno di Argelia a participa, cu plannan Frances pa laga un bom nuclear explota den Sahara ta crea un situacion serio y cu en bista di esey nan a jama na embahador for di Paris pa delibera.

E participacion aki a bini despues di un reunion hopi largu di gabinete Argelino.

Tambe nan a bisa, cu e embahador Frances na Argelia lo wordo yama na e ministerio di exterior.

Den un comunicado nan a recorda, cu repentinamente Argelia a de-

monstra cu e ta contra pruebanan nuclear y cu e no por hal di acuerdo cu e territorio di Argelia independiente ta wordo usa como terreno di prueba pa explosionnan nuclear.

HULANDA Y INDONESIA

DEN HAAG, 19 maart. — E delegado Indones recien nombra na Den Haag, Mohammed Sjarif, lo llega Hulanda probablemente e luna aki.

Minister Soebrandio di asuntunan di exterior a participa minister Luns esaki den un telegram di cua e texto ta den Indones.

Ta intencion dje gobierno Indones, cu Mohammad Sjarif lo llega Hulanda prome cu fin di maart, asina Dr. Soebrandio, prome minister interino y minister di asuntunan exterior dje Republica di Indonesia a participa. (E telegram di minister Soebrandio aki ta un contestacion riba e mensahe, cu minister Luns a manda pe siman pasa en relacion cu restablecimiento di relacionnan diplomatico).



Concierto di categoria di Rhoda Frigerio den Centro Cultural

ORANJESTAD, 19 maart — Tabata lastima, cu e sala di Centro Cultural diabierna u.p. tabata asina bashi. Solamente un cantidad chikito di hende a presencia e concierto cu e soprano Arubana a duna, pero e hendenan aki lo no a sinti cuale cu nan tabata presente. Rhoda Frigerio a canta sublime. Despues di un principio poco besitante cu algun cancion di Purcell, el a duna especialmente den e cancionnan di Mozart y Schubert un recital magifico.

Puntunan principal den e programa tabata sin duda e "Wiegenlied"

EGYPTO Y ISREAL

Di banda di Parket na Bazel nan a participa cu un di e detencionnan ta Dr. Otto Joklik, un Austriaco. Pero nan ta juda na validez di su titulo academico.

Nan no a anuncia number di e Israelio cu nan a detene.

ENTREGA DI WEST NIEUW GUINEA

DIJAKARTA, 19 maart. — President Soekarno di Indonesia a delibera cu miembronan di e comando supremo di e ehercito pa liberacion di West Irian tocante e forsa di e trupanan Indones cu lo wordo staciona na West Nieuw Guinea despues di dia prome di mei.

Segun minister Soebrandio nan a atende durante e reunion tantu preparativonan militar como civil pa entrega di e gobernacion riba West Nieuw Guinea door di Nacionnan Uni.

E HUELGA NA CORANTNAN DI NEW YORK

NEW YORK, 19 maart — Directiva di e sociedad Neoyorquino di periodistas a expresa su mes cu nuebe contra ocho voto na favor di aceptacion di e proposicionnan cu directivonan di corant a haci en relacion cu un c.a.o. nobo.

Nan lo presenta e proposicionnan awor na e miembronan y si esakinan tambe bai di acuerdo cu e proposicionnan, anto diamars lo bini un fin na e huelga na corantinan di New York, cual actualmente ta durando 98 dia. Un di e puntunan mas importante di e conflicto tabata e kuestion di duracion di e acuerdo. E tipografonan cu a cuminsa e huelga, a exige entre otro acuerdonan di trabao cu tur federacionnan di hendenan cu ta participa na produccion di corantinan na New York. Ademas nan a exige pa e acuerdonan aki hancha mesun fecha di caduca, un exigencia cual a wordo adopta den nan CAO nobo.

Pero e periodistas tabata quier a acepta esaki solamente si adop'a un aumento di salario pa nan tambe. Pa cumpli cu esey e directivonan di corant na New York a ofrece un aumento di mas di cuater dollar pa siman.

Diadomingo y dialuna e miembronan di e federacionnan di periodistas nan lo expresa nan mes tocante e proposicionnan nobo.

Despues di pausa, principalmente arianan di opera a ser presenta y si tabata pa motibo di e encargo pasaporta a baha casi bashi of pasobra e tabata cansa, e presentacion aki tabata di menos caliber cu prome cu pausa. Aki e dos arianan di La Boheme a ser presenta perfectamente y henter e concierto a ofrese e oyentesnan un anochi sublime.

Un palabra di elogio tambe senior A. Seyler ta merece, cu a contribui hopi na e exito cu su acompañamiento perfecto. Aruba ta dispone di dos artistanan talentoso tanto den Rhoda como den Seyler e ta lastima cu e refrain cu un profeta nunca ta ser honra den su propio pais, tambe ta valido pa Aruba. Un elemento di estorbo tabata cu durante e funcion nan mester a spera dos biaha pa cambia e tape. Si acaso nan holbe graba riba tape esaki siguramente lo ser evita cu usoamento di un tape mas largu of dos taperecorder. E aplauso largu y duradero y ofrenda di flor na fin tabata completamente mereci y tabata un gesto simpatico pa tambe ofrese e pianista un recuerdo di e anochi aki.

Nos ta spera cu un proximo biaha ora artistanan local ta actua, e interes publico pa promio artistanan lo ta mas grandi y Aruba realza, cu no solamente artistanan di exterior ta bal la pena pa scucha pero especialmente e artistanan local mester hancha e interes, cu nan merece tantu.

FATUM -- Tel.: 1845 pa tur bo aseguronan

TRAFICO NA AEROPUERTO PRINSES BEATRIX

ORANJESTAD, 19 maart. — Segun e cifraan e cantidad di aterrizahenan na Prinses Beatrix Vliegveld na luna di februari, compara cu anja pasa a baha algu, esta, di 246 pa 233. Sin embargo e cantidad di pasaheronan a aumenta. A drenta 3.546 pasahero compara cu anja pasa 3.252. A sali 3.425 na 1962, 3.224. E cantidad di pasaheronan di transito a baha di 1.444 pa 1.017.

CUBA E INGLATERRA

LONDEN, 19 maart. — E abogado Mericano Charles Ashmann, quende a yega Londen fin di siman for di Bahamas, ta declara cu e tin apoyo di e lider di partido laborista di Inglatera, Harold Wilson, den su intento pa salba vida di ocho piscado cu, segun e ta quere, a wordo secuestra di territorio Ingles pa Cubanonan cu ta na favor di Castro.

Ashmann a bisa cu e tin intencion pa prueba cu materialnan cu nan a haya na e isla Elbow Key, cu Cubanonan a baha na e isla y a cohe e piscadonan presu.

TARIFANAN NOBO DI K.L.M. PA ESTUDIANTENAN

ORANJESTAD, 19 maart. — Durante e ultimo reunion di IATA, (International Air Transport Association) un ser conent, en desde 1 april 1963 e reduccion di 25% na favor di estudiantenan riba e tarifican normal di ida y vuelta entre Antillas y Europa.

E tarifa especial aki ta duna derecho di reservacion — cu local e tarifa di 50% di rebaha sin derecho di reservacion ta caduca.

Pa ser considera pa e rebaha di 35%, mester entrega un declaracion di un instancia di gobierno.

KERKI PROTESTANT TA CUMINSA CU TRABAU JUVENIL

ORANJESTAD, 19 maart. — E comunidad Protestant na Aruba kier cuminsa cu trabau juvenil. E miembronan di comunidad a ricibi un circular di un comite d' iniciativa den cual nan ta pidi pa interes na diferente actividad, den cua e hubenud di 7 pa 16 por ser interesa. Manera trabao di man, comedia y operette, lesnan di coce, un curso di fotografia, pintura, schak y dam, deporte, etc. Alavez nan ta pidi lidernan pa e diferente gruponan cu nan lo forma.

PICNIC DI „UN YUDA OTRO“

ORANJESTAD, 19 maart. — E proximo actividad di „Un Yuda Otro“ lo ta un picnic, cual nan ta organiza diadomingo despuces di Pascu. Manera nos sa, „Un Yuda Otro“ ta un stichting caritativo cu ta reparti e placa cu ta wordo colecta a medio di diferente actividad, inmediatamente entre e pobhnan. Na januari e stichting a organiza cu hopi exito un midnight show den Aruba Caribbean Hotel, na cua e.o. a colabura Xavier Cugat, Arthur Godfrey y Abbe Lane.

E picnic lo tuma lugar na un di e conocido lugarnan di picnic, probablemente na Rooi Lamoen ji of Cucucu di Tromp. Sra. Louisa Oduber, un di e miembronan di directiva di e stichting, ya eha ta hopi ocupa cu e preparativonan di e picnic.

V.D. VOORT TA HACI UN BIAHE DEN CARIBE

ORANJESTAD, 19 maart. — Mr. P.P.C.H. van der Voort, abogado na Aruba, dia 30 di maart lo sali di Aruba cu un „sport-plane“ di Aruba Flying Club pa un biaha di negoshi cu lo hibé den un parti grandi di e territorio di Islanan ariba. Entre o'tro senior Van der Voort ta spera di bishita St. Vincent, St. Croix, St. Maarten, St. Eustatius, St. Thomas y Puerto Rico. Mas o' menos dia 7 di april lo e ta na Aruba atrobe. Na anja 1959 e sport-piloto aki a yega di haci un biahe asina cuba.

„BONBINI HOLIDAY“ PA ROTARY

ORANJESTAD, 19 maart. — E pelicula di propaganda di KLM „Bonbini Holiday“ tocante Aruba, Bonaire y Corsow a ser presenta pa Sr. R. Th. Palud de Moranges, district manager di KLM, pa e miembronan di Rotary Club durante nan reunion semanal. Sr. Palud a introduci e pelicula personalmente cu un palabra cortico.

PLACA PA THODE

ORANJESTAD, 19 maart. — Aki hata ta e lista number 4 en Sociale Verzekeringsbank ta publica di e placcan cu a wordo colecta pa e familia di piscado Thode na Bonaire (di cual algun tempo pasa e tata a hoga lagando mama y yunan sin un moda di biba).

N.V. Electriciteit Mij.	f. 50.-
J.M. Debror	25.-
Mansur Trading Inc.	25.-
Aruba Hardware Co.	10.-
Harms Brothers Ltd.	25.-
Aruba Trading Co.	25.-
Maduro & Curjel's Bank	50.-
Adolf Groder	25.-
Viana Auto Supply Co. Inc.	25.-
Confab Aruba	25.-
Licores Aruba N.V.	10.-
N. Habibe Jr.	15.-
Neme Imp. Exp. Co.	25.-
Mario S. Arends N.V.	25.-
KNSM N.V.	25.-
Westinghouse El. Int. Co.	15.-
N.V. Winkel's H. Mij.	25.-
Bouwmijs Aruba N.V.	25.-
Bob Steele Ins. Ag.	25.-
WIMCO	25.-
Mercurius Tr. Co.	15.-
Josy Motors	15.-
Texas Furniture Store	15.-
Aruba Bottling Co.	5.-
Iglesia Evangelica	10.-
Buebe's Bar	10.-

Total: f. 595.-

E suma total di e placcan cu a wordo colecta pa familia Thode, cu esaki a sub. te na 1.224 florin cu 40 cent.



E fotografonan di New York a nombra Barbara Dollmeyer di 18 anja abordo di „Statendam“ di Holland-Amerika lijn, como nan reina di 1963. Barbara lo dirigi e fiesta di e fotografonan abordo di „Nieuw-Amsterdam“ diadomingo p.v. Riba e portret e capitán Auke de Jong ta ofrese flor na e reina di belleza.

A LOT OF USED CARS
FOR LITTLE MONEY!

COME AND SEE THEM AT:

VIANA AUTO SUPPLY Co. Inc

PAPA A SLIP CAI

CIUDAD VATICANO, 19 maart — Papa Juan 23 a slip cai ora cu e ta bota bai subi podio di mona papal den ala Cementerio di palacio Vaticano pa e dona un audienzia. Papa a slip riba e di shete tee di e trapu.

El a cu riba su mannan pero inmediatamente empujandole di e palacio a 1 le riba pia atrobe. Papa no a sutri ningun herida y e audienzia a sigui normal asina nan a participa di banda di Vaticano.

E DISITA DI DE GAULLE

BRUSSEL, 19 maart — E corant "Le Soir" di "Antwerpen", ta scirbi cu e shete hosi na duna di e declaracion oficial na Den Haag, cu no ta un referendun politico na e l'ha di De Gaulle na Den Haag.

President De Gaulle ta omnia cu e shete hosi na duna di e declaracion oficial na Den Haag, cu no ta un referendun politico na e l'ha di De Gaulle na Den Haag.

e posicion fuerte di Inglaterra a tuma, mas fuerte cu De Gaulle por a spera. Pero su adversario mas dificil ta minister Luns y awor ta berdad cu Hulanda ta un pais chiqui, pero e resistencia di e minister caprichoso no ta cu De Gaulle muchu adecua.

E HUELGA NA CORANTAN DI NEW YORK

NEW YORK, 19 maart — Ta parce cu e huelga na corantan di New York cu al fin di siman pasa tabata muestra di yega na su fin, lo sigui un paar di dia mas. Esaki pasobra e tipografonan a ninga di acepta un proposicion pa un contrato nobo pa trabao.

E proposicion tabata traha pa e burgemeester di New York, Robert Wagner, quende a actua como intermediador durante e negociacionnan entre directornan di corant y representantenan di e tipografonan.



Den e capital di Egypto, Cairo, deliberacionnan ta tuma lugar entre e gobiernonan di Republica Arabe Uni, Syria y Irak pa pone e fundeshi pa e union proponi entre e tres estadonan aki. Riba e portret ta mira d.r.p.d. vice-premier di Syria Nihad El Kassem, president Nasser di R.A.U. y vice-premier di Irak Saleh Al Saadi den e palacio presidencial na Cairo.

NOTICIA DI POLIS

Weekend di 16 y 17 di maart na Aruba, tabata dedica na bringamentu y pleiamento entre bishinanan y famianan.

Pleito politico

SABANA LIBER. — Mas o menos un cuarto pasa di cuarto diasabra atardi, asistencia di polis a wordo pidi pa un pleiamento cu taba-

tin na Sabana Liber. Dos bishina cu no tabata di acuerdo cu e opinion politico di otro, tabata surda otro pa leke ta bon y malo. Polis a avisanan pa comporta nan mes mas decente y kalma.

Pleita entre espasa y espasa

MACUARIMA. — Diasabra atardi 10 pasa di 5 asistencia di polis a wordo pidi na Macuarima, unda tabatin un surdamento y desorden mucha formal, entre estimado mama y papa. Aki tambe polis a avisa pa compor a mas kalma.

Cunja ta pone famia na careda

SOMBRE. — Diadomingo anochi un cuarto pa 12 polis mester a duna asistencia na Sombre, caminda un cunja tabata haci bochincha y a pone su famia na careda. Ora polis a yega na e lugar nan no a hania e cunja ey mas. Nan a cuminsa rondia den cereania y a bin logra hanja drumi den su auto. E tabata burachi; polis a hibe warda caminda el a hania un cuarto gratis.

Bringamenta entre suegro y cunja

PAPHON. — Diadomingo atardi 10 pa 5 asistencia di polis a wordo pidi pa un pelea cu tabata tumando lugar na Paphon. Suegro tabata tira stiel y a logra kibra un dede di su cunja. E cunja a bai Hospital di La-

YABI

pa bo exito

Avisa den
ARUBAANSE
COURANT
y compara e
resultado!

TAPE RECORDER SIERA
Usa tape pa bo musica preferi, pa correspondencia, recuerdo etc. Momentonan inolvidable bo ta graba di bo familia! Pa un demostracion pasa na Casa Electronica (Banda di Viana tel. 5371)

OFICINA MARITIMA DE ARUBA
Tel.: 2664 - 1622
Conexion tur siman pa Curacao y Bonaire pa carga y pasahero.

PALAIS ORIENTAL
Oranjestad
TA BUSCA
2 mucha muher pa bende (Cu experiencia)
Pa informacion:
Acudi na e tiendanan

it just...
LOOKS
...expensive

go ariba su mes y e suegro a hania un cuarto gratis pa saka e waja di alcohol cu a hacie asina furioso.

Cu machete

JUANA MORTO. — Diadomingo mainta asistencia di polis a wordo pidi na Juana Morto caminda un caballero tabata menazando su esmada esposa cu un machete. E caballero a wordo deteni pa polis y a reconece su mal hechor; primintiendo di no haci algo asina nunca mas. Pa seguridad e machete a wordo hiba warda di polis.

Tata furioso

SAVANETA. — Diadomingo mainta banda di 9'or y mei na Savaneta tabatin un tata cu a bira asina furioso ora cu un di su yunan a kibra un potchi di pone mata. Cu el a pasa man pa un palo y a cuminsa bar a algun di su yunan cu sla. Esaki a resulta den un guerra di familia. Ora polis a yega y a papia cu e caballero el a priminti di keda kalma. Pero polis no a caba di sali cu el a cuminsa cu desorden atrobe cu intencion di dal su senjora. Polis a holbe asiti y kier a hiba e caballero warda, pero su amada esposa no tabata di acuerdo cu esaki. Pa libra mas trobel el a pidi polis pa hiba un machete algun palo y cuchu y a bise polis cu el lo bai serca un famia cu su yunan te ora cu su esposa a kalma.

Dalmenta cu botter

SAN NICOLAS. — Diadomingo anochi 11'or a presenta na warda di polis San Nicolas un tal R.H. kende tabatin un corta tras di su orea robez. El a declara cu un tal W.C. a dale cu un botter. Despues di a hania promer tratamiento medico el a avisa pa duna e cuenta na recherche.

Hobennan malbado

SAN NICOLAS. — Diasabra anochi mas o menos 10 pa 8 asistencia di polis a wordo pidi den un "lunch-room" na San Nicolas caminda algun hobennan tabata briaga cu e donjo di e lugar. Diferente glasnan a wordo usa pa proyectil di batalla. E motibo probablemente tabata cu e hobennan no a gusta e articulacion cu nan a wordo bendi. Polis a avisa e donjo pa duna e cuenta na recherche.

Palis su turno

SAN NICOLAS. — Diadomingo marduga polis a pasa un trupa di caballeronan cu na e ora ey parse ainda tabatin algo di combersa y gana di pleita cu polis. Ora cu polis a pasa nan algun di e tiponan for di den e grupo a grita polis poco palabranan no mucho bunita. Polis a acerea nan y e conocido A.N. kende tabata bao di influencia di alcohol a cuminsa ofende polis. Nan kier a hibe warda pero e no tabata di acuerdo y dos biaha a purba hui usando tur su forza cu e tabatin disponibel na e ora ey. Cu klop el a

gracias na e staf di techniconan cu ta duna bo tur informacion pa planea bo cas, renovacion of reconstruccion na un prijs masha razonable.
PETRONA & CROES

worde kalma y despues a hania un cuarto gratis pa peasa con pa respecta polis.

Hortamenta

ORANJESTAD. — Diasabra a wordo constata den Libreria Victoria, Nassaustraat 73, cu un of mas ladron a horta 660 florin cu tabatin den un caha ariba un lessenaar. E placa ta consisti di 5 papel di 100 florin, 3 papel di 50, y un papel di 10 florin. Tambe un dollar di plata a wordo horta. E ladron(nan) a logra drenta door di e porta patras. E caso ta wordo investiga pa recherche.

Choke

SAN NICOLAS. — Diasabra mainta 5 pasa di ocho tabatin un choke ariba e caminda di Seroc Prettoe cu ta sali ariba Bernhardstraat entre auto A 3671 maneha pa C.F. y D 100 maneha pa E.J. E.J. kende tabata keha cu e tabatin dolor na su brazu robez y su cabez, a wordo transporta pa hospital San Pedro. Danjo material ta un total di 250 florin, pa motibo di descuido.

Accidente

SAN NICOLAS. — Diasabra atardi 10 pa 3 tabatin un accidente di trafico den Bernhardstraat na San Nicolas. W.L. di tres anja kende probablemente a cruza caminda di repiente a wordo gedaj pa e auto A 6615 maneha pa A.H. E hobencito a hania un herida na su cabez y mester a wordo hiba Lago Hospital. Despues di a hania tratamiento medico e por a bai cas.

PILOTAN HULANDES NA NIGERIA

SILPHOL, 19 maart. — Pilotonan Hulandes, den servicio di Aero Contractors of Nigeria Ltd. lo haci patrulla riba frontera nan na Nigeria cu avionnan nobo specialmente en-carga. Fin di siman pasa, e minister federal di finanzas, na Lagos a firma cu un miembro di directiva di Aero Contractor un acuerdo. Pilotonan Hulandes lo tene e costa di 550 milia largu di Nigeria den bista.

E intencion di e gobierno Nigeriano ta pa ne manera aki combati contrabando, cu ta tuma lugan ne frontera mensiona.

Pa e servicicion di patrulla aki nan a encarga cerca fabricanan Canadiane di avion Havilland tres avion Otter.

PANAMA STORE
tin un surtido grandi di cama. Cama completo cu colchon pa un persona for di f 47,50 pa'riba.
Tambe cama pa dos persona, na prijs for di f 95, pa'riba.
A caba di jega un embarque nobo di TIRE den TUR SIZE na prijsnan especial.

PA UN BON TREAT

Continental Tyres
Among the Best
Be sure of perfect reaction, superior comfort and high mileage.
E. & G. MARTIJN (ARUBA) LTD

Continental Tyres
Among the Best
Be sure of perfect reaction, superior comfort and high mileage.
E. & G. MARTIJN (ARUBA) LTD

Aruba Chemical Industries N.V.
have facilities in their Engineering Division for
MILLWRIGHTS
for the maintenance of Large Reciprocating Compressors, Centrifugal Compressors, Small Steam Turbines and Pumps.
Applicants are invited to write to Aruba Chemical Industries N.V., Industrial Relations Division, c/o Hotel Strand, Oranjestad, Aruba, or telephone no. 3100 for an appointment. Persons who have applied before are being considered and need not write again.

BOB STEELE INSURANCE AGENCY N.V.
Aruba's Outstanding Insurance Agency
TEL. 5012 - 5013

KNSM *your line*

TELEPHONE 1777 - 3 LINES
SCHEDULE OF ARRIVALS/DEPARTURES AT/FROM ORANJESTAD

SHIPS NAME	FROM:	TO:
GANYMEDES	21-3-63 Europe, Curacao	Atlantic Columbia, Gulf.
SINON	23-3-63 New York, Curacao	Venezuela, Trinidad.
PRINS DER NEDERLANDEN	25-3-63 Europe, Curacao	Caribbean Cruise.
BILLETAL	27-3-63 Italy, Curacao	Barranquilla, Cartagena, Pto. Limon.
ARISTOTELES	27-3-63 Gulf	Curacao, Venezuela, Paramaribo.
MEDON	28-3-63 New York, Curacao	Venezuela, Georgetown, Paramaribo.

CISCO KID presenta pa cortesia di **ARUBA BOTTLING COMPANY** e promer fabrica di refresco na Aruba, cu e produccionnan mas gusta y mas pldi. NESBITTS e refresco sin igual.

1. "Bai na e botan".
2. "E barco ta bai zink, ban saca nos gubnan".
3. "Socorro!"
4. "Stien di Angela!"



PEPITA pa cortesia di: **Antillian Hardware Co**
E mehar adres pa VERF, KWASHI, TUR CLASE DI HERMENT, articulos sanitario.

1. Mi lo bisti un sombre nobo, pa sorprende a Lorenzo cu e regalo.
2. Ban caba si e ta ripara.
3. Hola, dushi!
4. Mi ta serca, cu e no a duna e sop!



MATEO REYES NO TA BAHIA FOR FOR DI DIRECTIVA DI A.S.U.

(Di nos redactor deportivo)

Manera ya nos a yega di publica den e ultimo reunion general di Aruba Sport Unie a worde elogi como miembro di directiva, den representacion di Voetbal Bond, e conocido deportista Mateo Reyes. Na principio di e luna aki directiva di A.V.B. a tene un reunion y ey den e worde diel di manda Reyes un carta stipulando e pa no acepta puesto den directiva di A.S.U. Como cu e carta ta algo manda personalmente pa Reyes, esaki a laga nos lesa e carta. Textualmente ta para ey den cu e coneccion cu e forma den cual durante e ultimo reunion general di A.S.U. e eleccion di representante di A.V.B. a tuma lugar, Reyes ta worde pidi pa no tuma puesto den directiva di A.S.U. No ta worde bisa, den e carta, pero si ta worde justia cu e eleccion no tabata correcto.

Personalmente nos a presencia e eleccion y pa ningun di e representantes tabata tin algun duda ta cual e worde elogi, cada bond cu tabata tin e derecho ey, a stipula e minimo cantidad di candidatos, esta tres. Pa A.V.B. nan tabata Porfirio Croes, Mateo Reyes y S. J. "Tommy" Croes. E votacion deposita ariba e candidatonan aki tabata 4 riba Porfirio Croes, 27 riba Mateo Reyes y 2 riba S. J. Croes. Ningun clase di duda e votacionan a laga pa ta cual ta e representante di A.V.B. cu nan ta desea di mira den directiva di A.S.U.

Den forma mas democraticamente posibel e eleccion a worde tene. Pero awor directiva di A.V.B. ta tuma un paso sumamente raro y incomprendibel di pidi Reyes pa no tuma puesto den directiva di A.S.U.

Kiko ta e consecuencia?


Kende cu tene un noticia asina logicamente ta pensa, ta pakiko e decision stranjo ey? Como cu nos ta sigur cu ne tabata tin absolutamente nada di ilegal den e forma di eleccion, ta parece nos cu

e contesta ariba e pregunta ey mester worde busca den e pregunta ta kende lo tuma e puesto den directiva di A.S.U. como representante di A.V.B. auto, si Reyes diel di baha? E candidato cu ta bini na turno pa hanja puesto den e caso ey lo ta e actual presidente Porfirio Croes, ya cu esaki a hanja cuatro votos (exactamente cuatro!) y ta e siguiente cu mas tanto votos. Reglamente di A.S.U. ta bisa cu den caso di cu un miembro di directiva tuma e hanja su retiro e candidato di e bond cu tin e proximo mas halto cantidad di votos ta esun cu ta bini den directiva di A.S.U.

Porfirio Croes no a worde recogi, mas aun e tabata den directiva di A.S.U. no door di un eleccion sino ta ora cu dos representante di A.V.B. mester a baha, auto directiva di A.V.B. di cual ya e mes tabata presidente, a nombra e como representante den directiva di A.S.U.

Segun tur probabilidad e cuatro votacionan riba number di Fichi Croes como representante di A.V.B. tabata uno di e mes y tres di e bond cu a stipula, esta A.V.B. Esaki naturalmente por worde

nenga awor ya cu e votacion ta por escrito y secreto. Ningun di e otro bondnan presente pues a pone un voto pa elogi Porfirio Croes den directiva di A.S.U. loke bon mira tambe mester ta algo logico, ya cu ta hopi fresco ainda den memoria di tur amante di deporte, e proposicion, cu segun informacionnan obteni a worde haci door di su persona den un reunion di comision di cilandsraad pa gobierno insular no pone e f 100.000 pa A.S.U. disponibel e anja aki mientras cu e conflicto deportivo cu Corsow no worde resolvi. Ademas algun rato prome cu e eleccion pa directiva di A.S.U., e mes Porfirio Croes



Ora pa habri un aseguro ta prome cu e accidente socede!

Pa mas informacion tocante 'Ongevalvenverzekering' jama of bishita N. E. N. Nassaustraat 94B Tel. 1176-1337

ta recomendar directiva di A.S.U. pa studia e posibilidad di hisa e contribucion di e bondnan na A.S.U. te na f 100, pa anja, loke ta nifica cu e bondnan cu no ta goza di un capital grandi door di e entranadan lo mester worde saka for di A.S.U. ora cu nan no por cumpli cu e contribucion halto ey.

Ta mas cu logico e ora cu e bondnan lo no ta desea di mira un persona asina den directiva di A.S.U.

Mateo Reyes, cu kende nos tabata tin un largo conversacion tocante e asunto aki, a sigura nos cu e no tin ningun intencion di baha for di directiva di Aruba Sport Unie. Manera den e medicion aki nos ta menciona, Reyes a worde unanimamente elogi como vicepresidente di A.S.U. den e promer reunion di directiva di A.S.U.

Tantu anja pasa como e anja anterior, tabata tin diferente decision di parti di directiva di A.V.B. cu tabata causa stranjeza. Aparentemente e anja aki lo no ta exclui di e decisionnan raro.

Sin calificacion

Meramente e idea so pa haci un semehante proposicion den un reunion ta den nos parecer algo inaceptable. Pa e idea worde aproba y luego expresa den un carta cu ta haci un mahos insultacion, ta algo sin calificacion. Den e forma sumamente rotundo, sumamente cla e bondnan afilia na A.S.U. a expresa nan deseo door di vota pa Reyes y awor no mester por ta posibel pa cierto manipulacionnan por kita e deseo ey di e bondnan y miembronan di directiva di A.S.U. cu a prefera Reyes ariba e dos otro candidatonan.

U. VAN BREET ELIGI PRESIDENT DI ARUBA JRS.

(Di nos redactor deportivo)

Durante e reunion general anual di Aruba Jrs. teni dia Domingo mainta den e clubhuis a worde elogi como presidente U. van Breet. A worde recogi den directiva Jose de J. Maduro, Ulpiano Amaya y Gochi Brion, mientras cu miembronan nobo elogi ta Seln Fingal, Freddy Fingal, Luis Swaen, G. Frans y E. Thermen.

Durante e reunion general a worde aproba e huishoudelijk reglement di Aruba Jrs.

CU PENALTY TROPICAL A ELIMINA JONG ARUBA

(Di nos redactor deportivo)

Un partido hopi interesante esun di dia Domingo atardi den Sport Centrum Noord a resulta entre e teamnan di Jong Aruba y Tropical. Tabata un partido perteneciente na e corto torneo organisa door di directiva di Jong Aruba.

Cu dos gol anota door di Antero Gil den e promer mitad, Jong Aruba tabata tin ventaha di dos cero na halftime.

E entusiasmo di e muchanan di Tropical no a mengua ningun tiki door di e desventaja ey. Nemencio Danies a anota nan promer gol y luego Miguel Tromp a empatia e partido. Cu score di 2-2 e weg a termina y esaki a haci cu tres penalty pa banda mester a worde tuma.

E keeper di Tropical Pedro Dijkhoff ta corona su magnifico actuacion di durante e wegahando dos penalty, mientras cu su companjeronan ta anota dos pa asina resulta ganador di e partido.

Tambe e keeper Nel Frank di Jong Aruba tabata tin un actuacion magnifico durante e weg.

Dia Domingo awor ta worde hunga e final di e torneo entre e teamnan di Blythi y Tropical, equiponan cu tin basta tempo sin enfrenta otro.

DIRECTIVA DI A.S.U. A REPARTI PUESTONAN

(Di nos redactor deportivo)

Den e promer reunion despues di e Reunion general anual, directiva di Aruba Sport Unie a reparti e diferente puestoonan. Como presidente ya tabata elogi Tico Kuiperi. Vice-president a bira Mateo Reyes, promer secretario Herman Kuiperi, promer tesoroer Max Arends, segundo tesoroer A. Zaandam, y comisionario na Pedro Figaroa, Francisco Chirino, John Merryweather, Aquiles Leon y Alex Mansur.

Tambe e diferente comisionnan a worde nombra caba y a cuminsa ta formula e plannan pa e Olimpiade A.S.U. di e anja aki.

EAST STARS A ELIGI DIRECTIVA NOBO

(Di nos redactor deportivo)

Dia Domingo mainta na cas di un di su miembronan a worde teni e reunion general anual di East Star. E directiva nobo elogi durante e reunion ta forma door di e siguiente deportistanan: Jan Paesch, presidente, Clemencio German vice-president, Jacobo Werleman promer secretario, Mario Werleman segundo secretario, Julio Ras, tesoroer, Bernardo Dirksz segundo tesoroer y comisionario Epifanio Ras, Daniel Dirksz y Francisco Dirksz.

Cumpleaños

Awe ta celebra su feliz cumpleaños, senjorita Linchi Maduro. E ta recibi hopi felicitacion di parti di su familia, su tata, su tres rumannan y di su subiranian y su sobrino, especialmente di su amiguanan Ivette, Yvonne, Judith, Hyacintha y Theresa y denas familia Maduro, Flores, Bermudez, Quilote y Martis.

Ayer a celebra su fecha natal senjora Bertha Buarh. Hopi felicitacion ta bini di su estimado esposo Marco, di su yunan Roy, Willie, Mientie y Mary, tambe di su amiga Reina de Lopez y familia.

PAISNAN DI OOST ARRICA Y E.E.G.

BRUSSEL, 19 maart — Ministernan dje tres paisnan di Oost Africa cu ta papia Ingles, cu a delibera e ultimo dianan na Brusel, tocante relacionnan economico cu e Comunidad Economico Europeo, a declara cu nan no kier drenta den e acuerdo di asociacion entre E.E.G. y e 18 estadonan Africano cu ta papia Frances.

Den un comunicado comun, cu nan a saca despues di encuentro entre ministernan di Tanganyika, Oeganda y Kenia y representantenan dje 18 paisnan, na Brusel, nan a bisa, cu e tres paisnan di Oost Africa ta desea otro formanan di acuerdo pa relacionnan comercial cu paisnan di E.E.G. y estadonan asocia.

HUELLA POSITIVO DEN ASUNTU DI DOBLE ASELINATO

ROTTERDAM, 19 maart — Despues di investigacionnan intensivo di cinco siman polis di Rotterdam a hanja e prome huella positivo den e asunto dje tal doble asesinato na Rotterdam Zuid. Den Waalhaven nan a hanja un tas cu placa y algun otro obheto mas, cu ta bati propiedat dje victima. Den e tas cu placa tabatin entre otro un cuenta riba su number cu ta data di dia ocho di februari, dia riba cual nan a comete e asesinato.

Polis no kier a duna mas informacion tocante e otro contenido dje tas y otro obhetonan.

E motibo di nos separacion

Pa: JUANITA


HOLLANDSE BANKETBAKKERIJ

Oranjestad tel. 2798 — San Nicolas tel. 5478

E mehor adres pa Bolo y tur clase di pasa-boca.
Diariamente fresco.

— 12 —

ora Cora a pensa: esta un coincidencia cu e desaparicion di Raul. Anyhow e mester hanja sa perfectamente, e ultimo actividadnan di Raul na Nicaragua. Cora su pensamentonan a worde interrumpi door di un stem grof y varonil di un homber, cu mas e ta grita cu e ta papia cu e criar. "Ta ki clase di coy loco bo ta bisando mi, negro zokete", bo por tende for di den e cuarto. E stem di Jeremias a sona tomerosa y obediente.



Pa cada 10 paki bashi
1 PAKI JEN na:
SHANGHAI STORE

te. "Ta asina nan a bisa, amo Floriano, Sra. Viuda de Cartes kier papia cu bo un rato..." Algo a worde tira abao, duro, manera cos cu nan a tire cu rabia abao. Y e teniente Lake a hanja cu e mester interveni. "Mi mester drenta eyden y bisele mi mes. Pasobra e ta capaz di sali pafor den su pifama, sin hatin, y sali ta papia cosnan innecesarios. No moef for di akina. Sra. mi ta rogabo esey". Cora a ripara awor ki gran valor a resulta cu e teniente a bini te akina cu nele.

Cora a keda spera pacientemente. Lake a hanja e homber medio sinta medio drumi ariba e cama, cu su cara den di barba tur sushi y slordig, su cateinan tur bruh, su wowonan casi serra, durando un expresion di un hende turbi y cu no sa mes cu e ta na mundo. "Dokter Yubero, Lake a bisele cu amiezta e energia, bo mester lapa riba y bisi

4.00 Musica Di Banda
4.15 Ultimas Noticias
4.30 Muchanan Pa Cristo
4.45 Noticias Espanol
5.00 Academia Del Aire
5.15 Palabranan Di Bida
5.30 Musica Para La Cena
6.00 Ultimas Noticias
6.30 Charles A. La Juventud
6.45 Nederlanda Nieuws
7.00 Music You Can Understand
7.30 Children's Corner
8.00 World News
8.15 Off the Record
8.30 Back to the Bible
9.00 Musical Gems
9.30 Bible Time
10.00 World News
10.05 Klusieko Muziek
11.00 Sign Off

RADIO CARACAS TELEVISION

Diamars 19 maart 1963

6.45 Senderos de Luz
9.00 Cajas con sorpresas
9.30 Jardin de infancia
10.00 La vida en el aire
10.30 Programa de Cecilia Martinez
11.00 Quien es quien en T.V.
11.45 Noticias
12.00 Show de Saume
13.00 Noticias
13.05 Conf. Show de Saume
13.15 Se necesitan una amiga
13.35 Novela
14.00 Puntos y aparte
14.30 Yo se lo vendio
15.00 Estudio de Hector Monteverde
15.30 Perfecta ama de casa
16.00 Aventuras de Popeye y Yoyo
16.30 Mejias y sus muchachos
17.00 Tite Tite
17.30 Peluca
17.55 Noticias
18.00 Ruta 66
19.00 Teletienda
19.30 A sugar muchachos
20.00 El Observador
20.15 Novela
20.30 The Amateur news
21.00 Julian Pacheco
21.30 Ruta del Sol
22.30 Noticias
22.35 Cine para todos.

YOBIDANAN FUERTE NA KENTUCKY

Yobidanan fuerte cu tabata e ultimo siman a causa cu Kentucky, West Virginia, New York y Tennessee a sufrir atrobe di inundacion. E estadonan aquri di Merca ya a sufrir diferente biha caba e ya aquri di inundacionnan causa door di yobida of di ruman cu ta salta for di nan orilla. Ademas di danjo material cu inundacionnan di siman pasa a causa algun hende tambe a perde nan bida.

NABEGACION RUSSO RIBA CUBA

MOSCU, 19 maart. — Union Sovietica a acusa Merca ayera, cu bapornan y avionnan Mericano ta sigui provocando bapornan Ruso cu ta nabega riba Cuba.

Den un articulo cu e agencian Ruso di prensa "Tass" a reproducir di e revista "Vodny Transport" (Transport Maritimo) nan ta menciona un serie di casonan den cual parece bapornan Ruso a worde molestia pa bapornan y avionnan di marina Mericano.

bo bain, y tambe laba bo cara un rato cu poco awa friu... Yubero a mirele mescos cu un hende cu no tin berguezna mas di su culpa y di: "Ta un ordo esey ta?" "No ta un ruogo esey ta, dokter, tin un dama cu ta desea di mirabo..." "Pero ami no kier mirele", e dokter Yubero a grita. "Pakiko?" "Pasobra... pasobra e ta un impostora cu a bini akina pa kita e pas cu mi tin akina for di mi". "Ta kiko ta baciho supone esey, prome cu bo papia cu ne mes?" "Mi sa esey". "Y bo sa tambe cu e a sali te for di Spanja pa bini papia cu bo te akina?". E dokter su cara a cambia. "De Spanja...? e a bisa, mientras e ta lanta for di su cama. Si dokter Yubero, y ademas de esey, e ta un muher masha bunita, correcta y elegante. E ta desea solamente pa puntrabo algun cos, mi no sa precies ta kiko, pero e kier averigua algo cu a pasa, y despues di esey e no ta pensa di bin molestiabo mas. Ta cuestion di algun minutu so..." "Lo ta asina hopi molesto pa bo dokter? Bo no por consenti pa e bay sin papia cu bo despues cu e a caba di haci un viahe asina largo..." "E teniente a weita ta bisi su bain cu nianan cu tabata tembla, mientras e ta bisa, cu un stem poco mas suave: "Si mi ta ricibiele, si... Bisele cu e por drenta aki den numa". Teniente Lake a keda mirele un rato, prome cu e sali for di ey den. Pero realmente bo ta malo? pasobra Jeremias a bisa nos cu bo ta malo. Bo ta muestra hende cu tin calentura..." "Si, asina mes, e criar a bisi mi amo Floriano tin hopi calentura y loch e no ta worry pa bira bon". "Sera bo boca, Jeremias", e dokter a ordena.

Lake a insisti. "En herdad, dokter bo cara ta muestra cu bo ta malo, mi por yudabo ey algo". "Siempremente..." "Nada, masha danki, e dokter di Y. bise e Sra. cu mi ta sperando riba dje..." "Si mi ta bai bisele dokter, y loke ta bo salud mi ta recomendabo pa no desconfia di dje; pasobra ya cu bo ta un dokter bo mester tin un bon salud". Floriano a cuminsa hari ironico. Cora Alexandre a drenta poco poco den e cuarto di e dokter, y a desmenu e figura slordig di un homber joven, pero envejeci, para cu lomba pa e porta di entrada, y cu no tabata muestra interes pa dje mirele den su cara. A pesar cu e homber ta asina obsecado di keda para asina, toch Cora a cuminsa papia cuenele, un poco miedosa. "Ami ta viuda di Raul Cartes, y aho ya cu bo ta un bon amigo di djele, bo mester sa hopi di tur e cosnan cu a pusele prome cu e a muri". E homber a cuminsa drey su cara poco poco te ora e a topa cu estui di Cora. Su wowonan a keda manera claba den esnan di Cora y su lipnan a cuminsa tembla y tabata tin gana di bisa algo, pero e no por a bisa nada.

(E ta sigui)

Stuyvesant Art Gallery

Nassaustraat 11 Oranjestad
(dilatanti Aruba Trading Company)

TA HABRI DIARIAMENTE
di 2'or p.m. pa pa 6'or p.m.


LAGA REDDY HACIELE PA BOI E TA HACIELE CU SMAAK.

Senjora;
Bo sabi cu Reddy Kilowatt gustosamente kier haci tur trobou fastioso pa bo. Lague monso bo horino di pan, cushino bo cumindo, polish bo vloernon, stof bo tapijtnon, rooster bo pon y diferente otro trobou.



DICK TRACY

1. "Ora cu mi baha riba e lugar di e gangstersnan mi mester tin masha guidao".
2. "Bo ta mira e marca di e chikel ey bao?" "So lo mi mirabo".
3. "Pero si Tracy fracasa, chief, e bandidonan ey lo laga na pida pida". "No chenssa, Sam".
4. "Tirol!" "Net den dje".



RIP KIRBY pa cortesia di: JAN BODEGOM & CO (Aruba) N.V.

TEL. 1284 — 1402

agente exclusivo di FRIESCHE VLAG lechi evap orado y lechi en polvo MAXWELL HOUSE KOFFIE

1. "Papel pa mi firma?" "Cu mucho gusto!" "Sinta aki, mi lord".
2. "No preocupabo pa lesa-tan, ya mi a regla tur e papelnan aki caba".
3. "Masha bon, lo mi firma nan".



URK UN ISLA DEN DOS CONTINENTE

E isla Urk, rond di cual un tempo „Zuiderzee“ tabata situa, ta un parti den e „marazon“ di Hulanda y e centro di IJsselmeer; en dia pa dia ta birando mas chiquito. IJsselmeer en un tempo tabata famoso awor a worde domina, casi completamente deseca y despues di tabata un tempo un moras a worde cambia den poldernan agriculturna, planca detalladamente. Urk, un tempo un isla den laman bruto awor a worde encera den „fomba“ pa terra nobo. Brusamente e entor shiñishi y brul di e casnan bieuw di e piscadornan, na pia di loka tabata un tempo un tera pa pasa over den corra cla di e tikanan di e quintanan. Urk y e Noordostpolder ta dos confluente, dos cultura en casi mester resulta den un choke cu otro.

Te awor aki tur cos a bai calma entre e habitantenan di Urk y di e polder. Eualnan ta bin di tur e provinciaan agriculturna, aunka cu nan no ta mete cu otro. E habitantenan di e polder ta orienta ariba nan „dorpscentra“ (centro di e pueblito) manera Braut y e pueblito Nagele. En a resulta di un experimento den trahamento di ciudad y ariba nan capital Emmeloord cu ta creciendo rapidamente. Desde ultimamente Noordostpolder no ta baa e direccion di estado nua y no tin un landrost na cabez. E polder a bira un comunidad cu un „consejo di comunidad“ y un alcalde, cu ta responsable sin distincion pa tur e habitantenan di e polder.

Urk te ainda ta dirigi su bista pa IJsselmeer y patras di e „Afsluitdijk“ e Noordzee. Mas ainda cu e pueblitonan pa turista manera Volendam y Marken Urk felizmente a keda manera e tabata, y na tempo a cambia su lugar di piscador di Zuiderzee pa Noordzee. Esey a trece un moda di bida nobo, aunka no ta un progreso nobo. Pasobra durante e diez añanan cu a pasa Urk a keda completamente mescos, di manera cu awor e habitantenan di Urk ta yen di esportacion grandi, especialmente e remplazamiento di e casnan bieuw y manios di e piscadornan peza ariba otro, pa lugarnan nobo y moderno.

Esun cu laga e haaf di Urk so tras y cuminsa camina den direccion di e „Afsluitdijk“ pronto lo dual den e cantidad di cajan y hanchinan chiquito, unda e casnan no ta tuma mas en algun meter cuadra pa nan grandura pero di cual toch cada uno cu su mes cura chiquito. E unico edificionan cu tin basta tereno rond di nan ta e iglesia bieuw y karakteristica y e faro. Mas atras di ripiente bo ta mira un espacio enorme esta „Noordostpolder“. Pidanan chiquito di Noordostpolder ta worde duna na Urk, pa nan habitantenan hanja lugar di traha, kendenan tin di sali di nan casnan bieuw caminda no ta posibel mas pa hende biba. Un problema mas, huntu cu e problema di trahamento di cas aki, ta e problema tocante di e ocasionnan nobo pa traha y e desviamento di e huentid. E piscadornan di Urk, devoto y tradicional, no ta gusta pa mira nan yunan bai traha na e fabricanan y no ta comprende e maneranan nobo y e bida di dibeitacion. Pesci e huentid ta hanja cu tur cos ta keda den antiguo y nan ta keha di ta fastidiá nan mes y cu nan ta keda atras den e tempo moderno.

E choke entre e generacionnan ta grandi den un comunidad manera esaki, caminda e piscadornan bieuw ainda ta situa cu nan carsonnan hancha cu „wambuis“ ariba e banknan na haaf, sonjando ariba e pasado, cual tabata mihor y toch no mihor cu e dia di awe. Te ainda mihor di e poblacion di e isla ta bai na haaf ora cu e bato di Enkhuizen ta drenta of sali. Nag ta tuma despedida of ta saluda otro mescos cu promer aya, tempo cu Urk tabata un isla ainda y nan tabata desea e nabegantenan un bon biaha. Esun cu tira un bista pa laman, ta tira un bista huntu cu e habitantenan di Urk, cu no ta sinti nada pa e „polderman“. Te ainda e mihernan ta camina cu nan bistran folklorico y ta colga nan panjanan cu nan a laba mas tempran cu ta posibel na cabuya, loka ta manera un concurso pa nan. Tambe e hombernan mas di edad ta bisti nan bisti folklorico, mescos cu na Slaphorst. Bunschoten. Goes di Westkapelle. Pero hombernan eisa y e muchanan na school no ta bisti folklorico mas, pero ta bai segun e modu di e Hulandesnan normal di campo. Radio television y tambe disconan a yega Urk y tambe den e famianan grandi y bieuw tin sanger nobo ta corre awor.

Historia

Cu te ainda a resta algo caracteristica di e isla di piscadornan aki, ta di gradici na e historia di mas bieuw di Urk, contrario di Schokland, caminda no tin hende ta biba mas y cu awor unicamente ta un

terpsubito na e westrand di Noordostpolder, cu un iglesia bieuw riba un parapeto bieuw cu ta caliendo. Felizmente Urk a busca modonan nobo material pa biba, separa di e revolucion agriculturna tras di nan „fomba“. E casnan bieuw unda ta posibel pa biba aden ainda, cu nan conocido dak herde di palo pinto, te awor ta worde manteni bon, y den nan bo por mira algo tipico Hulandes. Door di siglonan e confortabilidad aki a forma un contraste grandi cu e laman bruto. Bientonan duro y peligronan di awa desde tempronan pasa a tormenta Urk. Urk un tempo tabata un neish pa e piratanan, pero ya den cumbrimento di e „siglonan medio“, tempo cu Urk a bin baa direccion di e Conde nan di Holland, Urk a bira un bastion contra e piratanan. Na anja 1660 Amsterdam a compra e isla, pa e motibo cu e tabatin un nificacion strategico pa navegacion.

E faro cu a worde traha, hopi bida mester a cambia di lugar y bai mas paden ariba e isla, pa motibo di e laman. E isla tabata bira chiquito, laman tabata kita pida pa pida, pero toch e cantidadnan di habitante a keda crece: 250 hende na anja 1700, un 600 na 1800, 2700 y 5097 na anja 1955.

Na anja 1952 ora cu e Noordostpolder a keda cla, mester a worde dendi si Urk lo keda Urk, of si e lo worde tuma den e Noordostpolder.

A worde dendi pa e di promer. Algun tempo nan a purba pa resolve e problema cu tin dimas habitante ariba e isla, door di experimento en masa, mandando Urkerman pa un proyecto di agricultura na Minas Gerais na Brazil. Pero en general e poblacion di e isla a keda homogeen tochi.

E asilleronan a hanja trabao nobo, despues di e polder e parti Oost di Flevoland y nan a cuminsa cu e poldermento di Markerwaard. E polderment; atrasa pa motibo cu e plan di „Delta“ a hanja preferencia, nan a cambia pa un otro moda di piscar. Te ainda, di luna di mei te oktober di diferente sortonan di piscar di awa dushi ta worde piscar den IJsselmeer.

Tur diabierna e botonan di motor di piscar ta bolbe den haaf despues di un siman di piscamento. E piscamento den Noordzee, cu botonan di herro, a duna 350 piscador trabao, di vidi entre mas cu 100 hoto. Na januari y februari e barconan ta sali via e „sluisen“ den „Afsluitdijk“ pa Noordzee pa bai piscar den cercaña di e costa di Kanaal y mas despues den e parti oriente di Noordzee.

E barconan aki tambe mas parti ta drenta haaf atrobe promer cu fin di siman. Diabierna y diasabra ta e dianan cu e cajan ta mas yen di hende. Na e mercado di piscar prijs ta worde duna na loka a worde piscar y e „opstappers“ nan ta hanja nan salario. Tambe den oranan di sosiego ta worde traha, drecamento di e netnan loka ta worde muestra den e pelucula documentario di Bert Haanstra, cu ta trata di Zuiderzee, cu dia pa dia ta birando mas chiquito of den otro palabrita ta muriendo, cu e titulo „En de zee was er niet meer“ — ta un ofishi bieuw, apesar di e fabrica di net cu ta traha nan machinalmente ariba e isla. Hs pa conserva e piscan tin di worde stawi, e barconan tin di worde haci limpi y manteni. Semper tin coi luci.

Como cu Urk ta keda „asina leuw“, e turismo casi no a yega na Urk, cu un tempo tabata un isla. Pa e poblacion di Urk, e concecion ta e bato poco poco di Enkhuizen y e servicionan di cada ora cu e busnan di companianan di bus na Friesland y Overijssel. Asina Urk ta awendia, e ta isola y toch no isola, un pida unico di Hulanda.

(Pa H. de Witte)



„Dooi“ a cuminsa na Hulanda, pero ainda e habitantenan di Urk un pueblo di piscador no pur sali riba laman, pasobra nan barenan ta pega den ijs di e haf ainda. Aki nos ta mira dos di e habitantenan den background e barenan den haf.

INCIDENTENAN DEN ESTADO NA MEXICO

MORELIA, 19 maart. — Ayera tabatin incidentenan serio na Morelia, mas o menos 200 kilometro noord west di Mexico, eualnan a causu un morio y a laga diezun herido. Entre e heridonan tabatin algun polis y militar.

E capital di e estado Michoacan ayera tabata un berdadera campo di combate. E incidente a cuminsa despues cu gobernador di e estado a anuncia retiro di rector di e Universidad y un comision nombra pa gobierno lo tuma direccion di e Universidad. Ehercito a ocupa e puestonan mas importante na Morelia ya cu nan ta calcula cu lo tin mas incidente den curso di dia.

GENDARMERIA DI KATANGA

LEOPOLDSTAD, 19 maart. — E minister Kongolese pa Zuid Katanga, Joseph Ileo, a participa, cu nan ta calcula cu di e total di 18 te 20 mil gendarmen di Katanga te awor aki solamente dos mil a duna nan nomber pa nan drenta ehercito di Kongo.

INCIDENTENAN NA GEORGETOWN

GEORGETOWN, 19 maart. — Shete persona a resulta herida durante incidentenan cu tabatin Diadomingo mainta na Georgetown, entre simpatisadornan di partido di gobierno y partido di oposicion. E incidentenan a tuma lugar dilanti di cas di gobernador di Guyana Ingles.

Aunka cu e federacion sindical di Guyana a dendi pa no participa na demostracionnan organisa door di oposicion contra di desempleo, e tension den e ciudad ta basta alta.

DISENJADOR NAN SPANJO NA MERCA

MIAMI, 19 maart. — Cincu disenjador Spanjo a biba nan bistran Miami den un intento pa surpasa e influencia di moda Frances na Merca. Nan a muestra nan disenjonan na un show na Miami. Nan a bisa periodistanan cu e yabi pa e estilo spanjo ta personalidad.

„Ningun muher quier parce otro“, asina Pedro Rodriguez a bisa. E otro zmaternan tabata di acuerdo cu esey y nan a bisa cu nan lo hanja algun terribel si nan lo mester traha mas di cien bisti mescos. Riba un pregunta paquico nan a eligi Florida pa nan prome show na Merca. Enrique Caruncho a bisa:

„Cu e hopi Cubanonan cu tin aqui actualmente, nos ta considera Florida un poco Spanjo ainda“.

ARUBA JRS CAMPEON DI TORNEO DI SOFTBALL CU BLANKEO RIBA DOUANE

(Di nos redactor deportivo)

Den un interesante partido dia Domingo mainta, Aruba Jrs. cu magnifico pitcheo di Victor Albus a blanke a team di Douane pa obtene den e forma ey e titulo di campeon di torneo di Juventud Cristian. Cu minimo score di 1-0 e hoben novena di Aruba Jrs. a sali vencedor. Tabata un victoria indiscutiblemente merced ya cu e muchanan di Socotora a sabi di hual bon uso di e oportunidadnan cu a presenta.

Apenas dos hit pitcheo Albus a permiti e toledornan di Douane. Uno tabata di e abridor T. Carolina den e promer inning y hiego te den e septimo inning. Douane a bolbe conecta un hit. Esaki tabata di R. Croes, pero un rapido doble matanza inicia cu un linea den man di tercerabase Mauro Estrada, a caba cu e speranzanan di Douane. E bateador na turno den nos parecer mester a continua cu e hugada di toque pa adelanta e coredor na primera y no busca batear pasobra e tercerabase Estrada a adelanta hopi.

E unica carera di wega a worde anot den inning number cinco. Eddy Becker di Aruba Jrs. a habri cu un linea di uney entre left y centerfield. Cu fly di sacrificio den rightfield conecta door di D. de Windt, Becker ta aleanza tercera base. Pitcher Victor Albus di Aruba Jrs. ta na turno di bati y ta conecta linea di hit riba tercera empunhando e carrera den spikanan di Becker. E propio pitcheo Albus pues, kende a lanza un bon wega dominando e douaneronan, a percura pa e hit di oro.

Un total di cinco hit Aruba Jrs. a conecta contra di pitcher perdedor Ovie Williams. E equiponan a comete dos error cada uno.

Elmor a perde pa default

E segundo wega cual lo tabata entre Caribe y Elmar no a worde hunga ya cu Elmar no a presenta y den e forma ey a perde pa default. Pa e caribenjonan esaki tabata triunfo number cuatro y pa Elmar tabata derrota number cinco.

Incluyendo e dos resultadonan di dia Domingo nos ta hanja e siguiente tabla di posicion awor, cual alavez ta esun final di e torneo ya cu e torneo ta completa.

Club	W	L	W	P	W	A
Aruba Jrs.	7	6	1	—		
Gavilanes	7	5	2	1		
Caribe	7	4	3	2		
Douane	7	4	3	2		
Northstars	7	3	4	3		
Teuch. United	7	3	4	3		
Elmar	7	2	5	4		
Juventud Cristian	7	1	6	5		

E unico derrota cu Aruba Jrs. a sufri tabata contra e team di Teachers United.

Entrega di copa Diadomingo

E comite organisador di e torneo a dendi di entrega e copanan dia Domingo awor despues di un partido amistoso entre e campeonnan Aruba Jrs. y e subcampeonnan Los Gavilanes. Entrega di e copa lo tuma lugar den clubhuis di Caribe. Ademas di e dos clubnan ya menciona tur otro lo ricibi un recuerdo di e torneo, asina ta cu tur club ta worde recorda di delega un representante pa ricibi nan copa for di man di e simpatica Reina di Juventud Cristian.

Tambe lo worde entrega e premion individual. Esakinan no ta oficialmente cla ainda, pero ya ta practicamente sigur cu esun di champion pitcher ta bai pa Victor Albus di Aruba Jrs. y esur di champion bate ta pa Janny Thijssen di Los Gavilanes.

REUNION CU CLUBNAN DI BASKET AWE

(Di nos redactor deportivo)

Pa 7.30 lo worde teni awe noch den Wilhelminastadion un reunion entre directiva di Aruba Basketball Bond y delegadonan di e diferente clubnan cu lo tuma parti den e proximo campeonato di basketball. Manera ya nos a yega di publica directiva di Basketball Bond tin intencion di cuminsa e campeonato na principio di otro luna.

Ta worde spera, huzgando na e cantidadnan di peticion di formulario pa inscribi, cu e cantidad di clubnan participante lo aumenta.

PETICION DI ISRAEL NA ALEMANIA

TEL AVIV, 19 maart. — Algun corant di Israel a exigi di republica Aleman pa e decreta un ley den cual su cientificonan ta worde prohibi pa yuda Egipto na construcion di armanan cu ta destina pa destruccion di Israel.

Segun e corantnan parce cu Egipto ta trahando cu yudanza di cientificonan Aleman, raketnan cu por transporta material radioactivo, bacteriya y gas.

E cientifico Austriaco, Otto Juckl, cu nan a arresta na Suiza, parce a traha na Egipto na un bon di kobañ pero el a bandona e pais, ora cu el a tende cu e bon ta pa destruccion di e estado Hudiu. Despues di esey Juckl a ofrece pa desconscha e cientificonan Aleman, na Egipto pa sigui traha pa e pais ey y el a tuma contacto cu Heidi Goerke, yiu di un cientifico Aleman cu ta traha na Egipto.

E corant Israelita, „Davar“, cu mayoria baha ta interpreta punto di bista di gobierno di Israel, a haci un ataque riba gobierno di Suiza cu ta usa su neutralidad tradicional contra Israel, cu ta worde amenaza cu destruccion.

Diabierna nan a participa na Zurich, cu polis di Suiza a arresta un Israelita y un Austriaco pasobra parce nan ta complice den asunto nan di actonan di intimidacion contra Alemanan cu ta traha pa Egipto.

DECLARACION DI BURGEMEESTER BRANDT

BERLIN, 19 maart. — Burgemeester Willy Brandt di West Berlin, a bisa den raad di e ciudad, cu e crisis tocante Berlin, cu Union Sovietica a cuminsa na anja 1958, por clerio a worde vence.

Pero ningun hende ta quere, cu e problema tocante Alemania por worde soluciona den cercano futuro, asina el a bisa. Gobierno municipal di West Berlin ta favorece un modus vivendi pa Berlin, basta cu e ta un solucion hustu y temporal, cu ta laga e problema — Aleman habri. Asina Brandt a bisa.

E PRUEBA NUCLEAR DI FRANCIA

PARIS, 19 maart. — Te awor aqui nan no a ricibi noticia cu Francia a laga un bom nuclear explota den Sahara.

Gobierno Argelino a participa diasabra anochi cu plannan rances pa laga un bom nuclear explota den Sahara a crea un situacion serio y cu en bista di esey nan a jama nan embahador for di Paris pa deliberacion.

E embahador Argelino a sali entretantu for di Paris. Gobierno Argelino a bisa den un comunicado cu el a hanja informenan fidedigno cu Francia quier haci un prueba pero ni di banda di Francia ni di banda Argelino nan a anuncia algo di un prueba nuclear despues.

Gobierno Argelino a bisa qu e no por acepta cu su territorio ta worde usa como terreno di prueba, pero di banda di Francia nan a muestra cu e instalacionnan den e desierto di Sahara a base di e acuerdo di Evian por worde usa algun anja ainda.

BO HOROSCOPO PERSONAL

ARIES
21 Maart — 20 April



Aspectonan di awe ta muestra riba dificultadnan den bo relacionnan cu amigu y conocirnan.

TAURUS
21 April — 20 Mei



Tin bon aspectonan pa asunto nan di trabao, a-tardi ta favorable pa actividadnan social.

GEMINI
21 Mei — 20 Juni



Esaki no ta un tempo pa bo sinta sonja, trabao lo exigi bo atencion, no busca placeres.

CANCER
21 Juni — 22 Juli



Noicacion cu bo lo ricibi awe ta masha agradable, no spera mucho di bida social.

LEO
23 Juli — 22 Augustus



No kere malu di hende, tur hende por comete error, no sega decepciona si tur cos no ta bai manera bo kier.

VIRGO
23 Augustus — 22 September



Aspectonan di awe ta indica cu awe no ta un dia di dibeitacion, teniente cuenta cu contratiempnan.

LIBRA
23 September — 22 Oktober



Awe bo por sinti bo curpa poco cansa, teniente cuidao cu aventura nan riba tereno di amor.

SCORPIO
23 Oktober — 22 November



Sea tactico y muestra consideracion cu otro, no kere cu nan ta perhudica bo sin mas.

SAGITARIUS
23 November — 21 December



Awe bo lo ta hopi ocupa cu asunto nan di cas. Cumpli cu bo debernan prome cu tur cos.

CAPRICORNUS
22 December — 19 Januari



Conserva bo optimismo, ora bi-poco deberman cu bo no ta gusta mucho. Tin hende cu ta observa bo.

ACUARIUS
20 Januari — 18 Februari



No sea decepciona si otronan no ta compronde cu bo mucho awe, paga atencion na bo finanzas.

PISCES
19 Februari — 20 Maart



Tin bon aspectonan pa contacto cu otro, bo mester bishita nan personal pa nan juda bo.

EXHIBICION TOCANTE CORSOW NA HULANDA

TILBURG, 19 maart. — Ayera tardi nan a inaugura un exhibicion titula „Buniteza den un clima secu“.

E exhibicion ta consisti di totonan turma pa frater Arnoldo di malanan y bida di bestianan na Corsow, Aruba y Bonaire.

Prensa di Tilburg a dedica hopi atencion na e exhibicion. Door di un gesto di servicio informativo di Reino na Corsow nan por a ofrece licor di Corsow na e huespednan oficial. Probablemente e exhibicion lo bai na otro ciudadnan na Hulanda tami.



E panaderonnan di Maastricht, e capital di Limburg sin embargo no tin ningun motibo pa aplaudi. Door di inundacionnan di e riu Jeker den e provincia aki hopi cajan na bau di awa. Tur dia e panadero mester bisti su laarsnan di awa pa pasa den e awa pa entrega su pan na cas di su clientenan.

BUCHI ROBEZ presenta pa cortesia di: REFRESQUERIA INGRID TEL. 1849

★ e mehor adres pa snacks, tur clase di dushi, softdrinks, ice-cream y revistas

